

DE. vellem quidem. *PH.* quid istuc est? *DE.* rogitas,
Phaedria?

bonas me absente hic confecistis nuptias.

PH. eho an id suscenses nunc illi? *GE.* artificem pro-
bum!

30 *DE.* egon illi non suscenseam? ipsum gestio 260
darī mi in conspectum, nunc sua culpa ut sciat
lenem patrem illum factum me esse acerrimum.

PH. atqui nil fecit, patruē, quod suscenseas.

DE. ecce autem similia omnia! omnes congruunt:

35 unum quom noris omnis noris. *PH.* haud itast. 265

DE. hic in noxast, ille ad defendundam causam adest;
quom illest, hic praestost: tradunt operas mutuas.

GE. probe horum facta imprudens depinxit senex.

DE. nam nī haec ita essent, cū illo haud stares, Phaedria.

40 *PH.* si est, patruē, culpam ut Antipho in se admiserit, 270

ex qua re minu' rēi foret aut famae temperans,

non causam dico quin quod meritu' sit ferat.

sed siqui' forte malitia fretus sua

insidias nostrae fecit adolescentiae

45 ac vicit, nostra[n] culpa east an iudicum, 275

qui saepe propter invidiam adimunt diviti

aut propter misericordiam addunt pauperi?

GE. ni nossem causam, crederem vera hunc loqui.

DE. an quisquam iudex est qui possit noscere

50 tua iusta, ubi tute verbum non respondeas, 280

ita ut ille fecit? *PH.* functus adolescentulist